



TOSHKENT DAVLAT YURIDIK UNIVERSITETI REKTORINING B U Y R U G ' I

2020 -yil «01» 06

08-100 -son

Тошкент давлат юридик университети фаолиятини янада такомиллаштириш чора-тадбирлари тўғрисида

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисида”ги Фармони билан тасдиқланган Тошкент давлат юридик университети фаолиятини янада такомиллаштириш бўйича “Йўл харитаси”нинг 48-банди ижросини таъминлаш мақсадида, шунингдек, Ўзбекистон Республикаси адлия вазирининг 2020 йил 27 майдаги “Тошкент давлат юридик университети бошқарув, техник, хизмат кўрсатувчи ва ўқув-ёрдамчи ходимларининг намунавий штатларини тасдиқлаш тўғрисида”ги 92-ум-сон буйруғи ва Тошкент давлат юридик университети кенгашининг 2020 йил 21 майдаги навбатдан ташқари мажлиси баёни билан тасдиқланган ва Ўзбекистон Республикаси адлия вазiri билан келишилган Тошкент давлат юридик университетининг ташкилий тузилмасига мувофик

Б У Ю Р А М А Н:

1. Ўзбекистон Республикаси адлия вазирининг 2020 йил 27 майдаги 92-ум-сон буйруғи ҳамда Тошкент давлат юридик университети кенгашининг 2020 йил 21 майдаги навбатдан ташқари мажлиси баёни билан тасдиқланган Тошкент давлат юридик университетининг янги ташкилий тузилмаси раҳбарлик ва ижро учун қабул қилинсин.

2. Тошкент давлат юридик университети (кейинги ўринларда – университет)нинг ташкилий тузилмасида:

курс деканатлари базасида Оммавий ҳуқуқ, Жиноий одил судлов, Хусусий ҳуқуқ ҳамда Халқаро ҳуқуқ ва қиёсий ҳуқуқшунослик факультетлари, шунингдек бошқа таркибий бўлинмалар ташкил этилганлиги; халқаро ҳамкорлик ва узлуксиз таълим бўйича проректор лавозими жорий этилганлиги ва ушбу проректор юридик техникумлар ҳамда академик лицейда ўқув-методик фаолиятни мувофиқлаштиришни ташкил этиши инобатга олинсин.

3. Университетда Давлат ҳуқуқи ва бошқаруви, Фуқаролик ҳуқуқи, Интеллектуал мулк, Фуқаролик процессуал ва иктисодий процессуал ҳуқуқи, Бизнес ҳуқуқи, Меҳнат ҳуқуқи, Экология ва аграр ҳуқуқи, Жиноят ҳуқуқи ва криминология, Жиноят-процессуал ҳуқуқи ва криминалистика, Халқаро тижорат ҳуқуқи, Халқаро ҳуқуқ ва инсон ҳуқуқлари, Давлат ва ҳуқуқ назарияси ва тарихи, Умумтаълим фанлар, Тил ўргатиш кафедралари мавжудлиги маълумот учун қабул қилинсин.

4. Университет кафедралари тузилмасига қуйидаги ўзгартиришлар киритилсин:

Давлат бошқаруви кафедраси тугатилиб, унинг негизида Конституциявий ҳуқуқ кафедраси ва Маъмурий ва молия ҳуқуқи кафедраси ташкил этилсин ҳамда профессор-ўқитувчиларнинг штат бирликлари ўқув режадаги соатларга мувофиқ тегишлилиги бўйича мазкур кафедраларга ўтказилсин;

Жиноят-процессуал ҳуқуқи ва криминалистика кафедраси тугатилиб, унинг негизида Жиноят-процессуал ҳуқуқи кафедраси ҳамда Криминалистика ва суд экспертизаси кафедраси ташкил этилсин ҳамда профессор-ўқитувчиларнинг штат бирликлари ўқув режадаги соатларга мувофиқ тегишлилиги бўйича мазкур кафедраларга ўтказилсин;

Тил ўргатиш кафедраси тугатилиб, унинг негизида Ўзбек тили ва адабиёти кафедраси ҳамда Хорижий тиллар кафедраси ташкил этилсин ҳамда профессор-ўқитувчиларнинг штат бирликлари ўқув режадаги соатларга мувофиқ тегишлилиги бўйича мазкур кафедраларга ўтказилсин;

Суд, ҳуқуқни муҳофаза қилувчи органлар ва адвокатура кафедраси ташки этилсин;

Давлат ва ҳуқуқ назарияси ва тарихи кафедрасининг номи “Давлат ва ҳуқуқ назарияси”, Экология ва аграр ҳуқуқи кафедрасининг номи “Экология ҳуқуқи”, Интеллектуал мулк кафедрасининг номи “Интеллектуал мулк ҳуқуқи”, Халқаро тижорат ҳуқуқи кафедрасининг номи “Халқаро хусусий ҳуқуқ” деб ўзгартирилсин.

5. Университет кафедралари ва марказларининг факультет деканатлари бўйича таксимоти 1-иловага мувофиқ тасдиқлансин.

6. Эксплуатация ва таъмирлаш бошқармаси (И. Бозаров) университетнинг янги ташкил этилган таркибий бўлинмалари фаолиятини самарали ташкил этиш учун зарур ташкилий-техник шарт-шароитларни яратсин.

7. Кадрлар бўлими (А.Матмуротов):

университетнинг янги тузилмаси тасдиқланганлиги муносабати билан ходимларнинг меҳнат фаолияти билан боғлиқ тегишли ҳужжатлар белгиланган тартибда расмийлаштирилишини таъминласин;

кафедралар ва бошқа таркибий бўлинмаларда мавжуд вакант лавозимларга муносиб номзодларни жалб этиш учун Интернет жаҳон тармоғи ва бошқа оммавий ахборот воситаларида мунтазам равишда кенг миқёсда эълонлар бериб борилишини таъминласин;

икки ой муддатда Тошкент давлат юридик университети ходимларининг янги таҳрирдаги лавозим йўриқномаларини ишлаб чиқсин ва университет Кенгаши муҳокамасига киритилишини таъминласин.

8. Ўқув-услубий бошқарма (А.Тошпулатов):

университет кафедраларининг ўқув тусдаги тадбирлари ва уларга ажратилган соатларни қайта кўриб чиқсин;

2020 йил 1 июлдан эътиборан 2019/2020 ўқув йилида 1, 2 ва 3-курсда курс деканатлари базасида ўқиган талабаларни факультетларга тегишлилиги бўйича қайта тақсимлаш ишларини амалга оширсин.

9. Белгилаб қўйилсинки, 2019/2020 ўқув йилида битираётган 4-курс талабалари истисно тариқасида жорий ўқув йилини соҳа мутахассисликлари бўйича яқунлайди, 1-курс талабалари эса ўқув йили якуни бўйича факультетларга тақсимланади.

10. Курс деканлари А.Бабаджанов, Б.Топилдиев, Д.Маҳкамов, И.Эргашев, Канцелярия ва архив (Б.Абуова) факультетлар билан биргаликда:

курс деканатлари тугатилганлиги муносабати билан ўзларига тегишли бўлган ҳужжатлар ва товар-моддий бойликларни белгиланган тартиб ҳамда муддатларда топшириш-қабул қилиш чораларини кўрсин;

2019/2020 ўқув йилида битираётган 4-курс талабаларига ҳамда фаолияти тугатилаётган айрим кафедраларга оид ҳужжатларни сақлаш учун университет архивига топширсин.

11. 2019/2020 ўқув йилининг 1, 2, 3, 4-курс талабаларига оид бўлган ҳужжатларга ҳамда тугатилаётган барча курс деканатлари фаолияти билан боғлиқ ҳужжатларга имзо қуйиш ҳукуки тегишинча А.Бабаджанов, Б.Топилдиев, Д.Маҳкамов ва И. Эргашевга берилсин.

12. 2019/2020 ўқув йили магистратура талабаларига оид барча ҳужжатларга имзо қўйиш ҳукуки Ш.Хўжаевга берилсин.

13. Мониторинг ва ички назорат бўлими (Д.Худойназаров, Ш.Нуруллаев) Канцелярия ва архив (Х.Абдуллаев, Б.Абуова) билан биргаликда бир ой муддатда:

Тошкент давлат юридик университетида иш юритиш ва ижро назоратини ташкил этиш бўйича йўриқноманинг янги таҳририни ишлаб чиқсин ва тасдиқлаш учун киритсин;

Тошкент давлат юридик университетининг 2020-2024 йилларга мўлжалланган ҳужжатлар йиғмажилдлари номенклатурасини белгиланган тартиб ва муддатларда мутасадди давлат ташкилотлари билан келишган ҳолда ишлаб чиқсин ва тасдиқлаш учун киритсин;

14. Молия-иқтисод бўлими (А.Рахимов) 2020 йил 1 июндан университет штат жадваллари ва харажатлар сметасига ўрнатилган тартибда тегишли ўзгартиришлар киритилишини таъминласин.

15. “Электрон университет” маркази (Н.Мухторов):

университет расмий веб-сайти ва Интернет тармоғига уланган компьютерларни техник имкониятларини янада яхшилаш бўйича зарур чораларни кўрсин;

электрон ҳужжат алмашинувига ўтиш ва ўқув жараёнини ракамлаштириш, шу жумладан машғулотлар жадвалини шакллантириш, имтиҳонларни ўтказиш, баҳолаш, талабалар рейтингини шакллантириш ва ҳ.к. жорий этишни назарда тутувчи “Электрон университет” (E-University) платформасини жорий этиш ва мувофиқлаштириб бориш чораларини кўрсин.

16. Юридик бюро (А.Сафаров) бир ой муддатда:

университет медиа-марказига мутахассисларни (режиссёр, журналист, креатив муҳаррир, оператор, IT-мутахассис, дизайнер, видеомонтажчи, студия аппарат комплекси муҳандиси ва бошқалар) меҳнат бозорининг амалдаги конъюнктурасини ҳисобга олган ҳолда, шартнома асосида жалб этиш бўйича тегишли ҳужжат лойиҳаларини тайёрласин ва тасдиқлашга киритсин;

факультет деканатлари ва бошқа таркибий бўлинма низомларини ишлаб чиқсин ва тасдиқлаш учун киритсин;

университетнинг ички ҳужжатларини ушбу буйруққа мувофиқлаштирасин.

17. Тошкент давлат юридик университети ректорининг айрим буйруклари 2-иловага мувофиқ ўз кучини йўқотган деб ҳисоблансин.

18. Канцелярия ва архив (Х.Абдуллаев) мазкур буйруқни университетнинг барча таркибий бўлинмалар эътиборига етказсин.

19. Ушбу буйруқнинг бажарилишини назорат қилишни ўз зиммамда қолдираман.

Ректор



Р. Ҳакимов

Тошкент давлат юридик университети
 ректорининг 2020 йил “ 1 ” июндаги
 08-100 -сон буйруғига
 1-ИЛОВА

**Тошкент давлат юридик университети кафедралари ва
 марказларининг факультет деканатлари бўйича
 ТАҚСИМОТИ**

№	Кафедралар/марказлар номи	Профессор- ўқитувчилар штат бирликлари сони
Оммавий ҳуқук факультети		
1	Давлат ва ҳуқук назарияси кафедраси	20
2	Конституциявий ҳуқук кафедраси	23
3	Маъмурий ва молия ҳуқуқи кафедраси	1
4	Экология ҳуқуқи кафедраси	11
5	Умумтаълим фанлар кафедраси	32
6	Ўзбек тили ва адабиёти кафедраси	1
Жиноий одил судлов факультети		
1	Жиноят ҳуқуқи ва криминология кафедраси	22,5
2	Жиноят-процессуал ҳуқуқи кафедраси	11,5
3	Суд. ҳуқуқни муҳофаза қилувчи органлар ва адвокатура кафедраси	1
4	Криминалистика ва суд экспертизаси кафедраси	1
5	Жисмоний тарбия ва спорт кафедраси	4,5
Хусусий ҳуқук факультети		
1	Фуқаролик ҳуқуқи кафедраси	16
2	Фуқаролик процессуал ва иқтисодий процессуал ҳуқуқи кафедраси	19,5
3	Меҳнат ҳуқуқи кафедраси	11
4	Бизнес ҳуқуқи кафедраси	18,5
5	Интеллектуал мулк ҳуқуқи кафедраси	4,5
Халқаро ҳуқук ва қиёсий ҳуқуқшунослик факультети		
1	Халқаро ҳуқук ва инсон ҳуқуқлари кафедраси	11
2	Халқаро хусусий ҳуқук кафедраси	14
3	Хорижий тиллар кафедраси	61
4	Япон ҳуқуқини ўрганиш маркази	
5	Немис ҳуқуқи ва қиёсий-ҳуқуқий тадқиқотлар маркази	

Тошкент давлат юридик университети
ректорининг 2020 йил “1” июндаги
08-100-сон буйруғига
2-ИЛОВА

**Тошкент давлат юридик университети ректорининг
ўз кучини йўқотаётган буйруқлари
РЎЙХАТИ**

1. Тошкент давлат юридик университети ректорининг “Университет фаолиятини такомиллаштириш чора-тадбирлари тўғрисида”ги 2017 йил 26 майдаги 08-167 сон, 2018 йил 13 августдаги 08-408-сон ва 2019 йил 7 октябрдаги 08-570-сон буйруқлари;
2. Тошкент давлат юридик университети ректорининг 2017 йил 29 сентябрдаги “Тошкент давлат юридик университети фаолиятини такомиллаштириш тўғрисида”ги 08-363-сон, 2020 йил 10 январдаги 08-10-сон буйруқлари;
3. Тошкент давлат юридик университети ректорининг 2018 йил 6 сентябрдаги “Интеллектуал мулк кафедрасини ташкил этиш тўғрисида”ги 08-443-сон буйруғи.